

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U GRAČANICI

Broj: 027-0-Su-19-000 144
Gračanica, 29.03.2019. godine

I N F O R M A C I J A
O RADU OPĆINSKOG SUDA U GRAČANICI
ZA 2018. GODINU

Gračanica, mart 2019. godine

Na osnovu elemenata i pokazatelja iskazanih u ovoj informaciji kroz prikaz stanja riješenih i neriješenih predmeta, priliva i strukture predmeta, kvaliteta rada, kaznene politike, izvršenja krivičnih sankcija, kadrovske strukture suda i materijalnog položaja kao i rada sudske uprave, može se sagledati rad Općinskog suda u Gračanici u 2018. godini.

STANJE RIJEŠENIH I NERIJEŠENIH PREDMETA

U priloženim tabelama prikazani su podaci o rješavanju predmeta na svim referatima i to: stanje neriješenih predmeta na dan 31.12.2018. godine, broj primljenih predmeta u 2018. godini, ukupan broj predmeta u radu, broj završenih i broj neriješenih predmeta na kraju godine, pregled neriješenih predmeta po godinama iz koje potiču.

Osim predmeta iskazanih u tabelama, u toku 2018. godine riješeno je i:

- Nar/Rz. predmeta (predmeti naručenih izvadaka, prepisa i uvjerenja i razna zemljišno-knjižna pismena) 7122,
- izvršeno 5 ovjeravanja isprava (Ov. predmeti),
- izvršeno 2150 ovjeravanja isprava namijenjenih za upotrebu u inostranstvu (Ov-h),
- izdato 537 Kr. uvjerenja da se ne vodi krivični postupak,
- izdato 162 Prz II uvjerenja da nisu izricane zaštitne mjere obavljanja djelatnosti, da stranka nije prekršajno kažnjavana.

Krivična oblast

U 2018. godini u krivičnoj oblasti sudovanja primljeno je u rad K. 142 predmeta.

Broj krivičnih predmeta koji su primljeni u rad 2018. godine u odnosu na 2017. godinu je manji, jer je 2017.godine primljeno 158 predmeta. Došlo je do promjene u strukturi krivičnih djela u odnosu na prethodnu godinu tj. smanjen je broj krivičnih djela: laka tjelesna ozljeda, nasilje u porodici, krađa, posjedovanje i omogućavanje uživanja opojnih droga, ugrožavanje javnog prometa kao i ugrožavanje javnog prometa zbog omamljenosti. U ovoj godini zastupljena su sljedeća krivična djela:

Vrsta krivičnog djela	član KZ F BiH	Broj predmeta
Zakon o osiguranju od odg. za motorna vozila	Čl. 23. ZOOMV Sl. novine FBiH br.24/05	2
Zakon o oružju i municiji TK	Čl 72. st.1. i 73. st.3 ZOOIM Sl. novine TK br.17/15	1
Ubistvo namah	167 KZ F BiH	1
Prouzrokovanje smrti iz nehata	168 KZ F BiH	1
Teška tjelesna ozljeda	172 KZ F BiH	14
Laka tjelesna ozljeda	173 KZ F BiH	13
Protupravno lišenje slobode	179 KZ F BiH	2
Ugrožavanje sigurnosti	183 KZ F BiH	7
Nasilje u porodici	222 KZ F BiH	6
Izbjegavanje izdržavanja	223 KZ F BiH	1
Neovlaštena proizvodnja i stavljanje u promet opojnih droga	238 KZ F BiH	11
Posjedovanje i omogućavanje uživanja opojnih droga	239 KZ F BiH	7

Nedozvoljena trgovina	267 KZ F BiH	1
Krađa	286 KZ F BiH	9
Teška krađa	287 KZ F BiH	6
Utaja	290 KZ F BiH	1
Oštećenje tuđe stvari	293 KZ F BiH	11
Prijevarama	294 KZ F BiH	4
Iznuda	295 KZ F BiH	3
Prikrivanje	300 KZ F BiH	2
Šumska krađa	316 KZ F BiH	3
Ugrožavanje javnog prometa	332 KZ F BiH	2
Ugrožavanje javnog prometa zbog omamljenosti	333 KZ F BiH	3
Teška djela protiv sigurnosti javnog prometa	336 KZ F BiH	15
Nasilničko ponašanje	362 KZ F BiH	3
Nedozvoljeno držanje oružja ili eksplozivnih materija	371 KZ F BiH	2
Krivotvorenje isprave	373 KZ F BiH	4
Lažno prijavljivanje	347 KZ F BiH	1
Napad na službenu osobu u vršenju poslova sigurnosti	359 KZ F BiH	1
Porezna utaja	373 KZ F BiH	1
Sprečavanje službene osobe u vršenju službene radnje	358 KZ F BiH	3
Pustošenje šuma	315 KZ F BiH	1
Prikrivanje	300 KZ F BiH	2

U 180 primljenih Kps. predmeta ukupno je optuženo 198 lica od kojih je 150 lica sa područja općine Gračanica, 14 lica sa područja općine Doboj Istok, dok je 34 lica sa područja drugih općina.

U 2018. godini riješeno je 209 krivičnih predmeta, na kraju izvještajnog perioda ostalo je neriješeno 56 K. predmeta, a na početku izvještajnog perioda bilo je neriješeno 123 predmeta. Osuđujućom presudom završeno je 183 predmeta, oslobađajućom 9 predmeta, 8 predmeta riješeno na drugi način i 9 predmeta je riješeno obustavom postupka.

Od ukupno riješenih 209 K. predmeta u 27 predmeta (12,92%) presuda je izrečena po osnovu priznanja krivnje, u 9 predmeta (4,31%) presuda je izrečena po sporazumu o priznanju krivnje, u 142 predmeta presuda je donesena nakon održanog glavnog pretresa (67,94%), u 4 predmeta (1,91%) je donesena obustava postupka i 27 predmeta (12,92%) su završena na drugi način.

Od ukupno riješenih 171 Kps predmeta u 59 predmeta presuda je izrečena po izdavanju kaznenog naloga, u 2 predmeta je donesena presuda na osnovu sporazuma o priznanju krivnje, u 1 predmetu postupak je obustavljen, u 1 predmetu optužnica je povučena, u 102 predmeta donesena je odluka u meritumu, u 3 predmeta je nastupila apsolutna zastara, dok su 3 predmeta završena na drugi način (spajanjem postupka). U 57 predmeta izrečena je uvjetna osuda, u 2 predmeta izrečena je novčana kazna, dok je u 1 predmetu izrečena kazna zatvora, jer je postignut sporazum optuženog sa Tužilaštvom i presuda je izrečena u Kps predmetu.

Na kraju izvještajnog perioda ostalo je neriješeno 56 K. predmeta i to: 38 predmeta (67,85%) iz 2018.godine, 4 predmeta (7,13%) iz 2017. godine, 3 (5,36%) predmeta iz 2016. godine, 3 predmeta (5,36%) iz 2014. godine, 1 predmet (1,79%) iz 2013.godine, 2 predmeta (3,57%) iz 2012.godine, 2 predmeta (3,57%) iz 2011.godine, 1 predmet (1,79%) iz 2010. godine, 1 predmet (1,79%) iz 2009.godine i 1 predmet (1,79%) iz 2006.godine.

Trajanje postupka: u 209 završena K. predmeta u 2018. godini postupak je u 104 predmeta trajao do 3 mjeseca ili 49,76%, u 83 predmeta ili 39,71% postupak je trajao preko 3 mjeseca do 1 godine, a u 22 predmeta ili 10,53 % postupak je trajao preko 1 godine.

Kaznena politika

Od završenih 209 K. predmeta, u 55 predmeta izrečena je kazna zatvora, u 109 predmeta izrečena je uvjetna osuda, u 13 predmeta izrečene su novčane kazne, 13 predmeta završeno je na drugi način. U 9 predmeta donesena je oslobađajuća presuda, u 9 predmeta obustavljen je postupak i u 1 predmetu izrečena je opomena.

Kaznena politika redovno je analizirana na radnim sastancima sudija i može se ocijeniti adekvatnom počinjenim djelima odnosno jačini ugrožavanja ili povrede zaštićenog dobra, okolnostima pod kojima su djela učinjena, stepenu krivične odgovornosti počinitelaca, kao i drugim okolnostima od kojih zavisi vrsta i visina kazne, odnosno vrsta krivične sankcije.

Pritvor je određivan za 12 lica u 12 predmeta. Pritvor je za 10 lica trajao od 1 do 3 mjeseca, za 1 lice pritvor je trajao preko 6 mjeseci, dok je za 1 lice pritvor određen preko 3 mjeseca i još uvijek traje.

Maloljetnička delikvencija

U 2018. godini u radu je bilo 12 Km. predmeta od kojih su 2 predmeta prenesena iz 2017. godine a 10 predmeta je zaprimljeno u 2018. godini. U odnosu na 2017. godinu u 2018.godini došlo je do smanjenja priliva Km predmeta.

U 2018. godini u zaprimljenim predmetima u postupku protiv maloljetnika zastupljena su sljedeća krivična djela:

Vrsta krivičnog djela	član KZ F BiH	Broj predmeta
Laka tjelesna ozljeda	173 KZ F BiH	3
Iskorišćavanje djeteta ili maloljetnika radi pornografije i Ucjena	211 KZ F BiH 296 KZ F BiH	2
Krađa	286 KZ F BiH	2
Teška krađa	287 KZ F BiH	2
Nedizvoljeno držanje oružja	371 KZ F BiH	1

Završeno je 11 predmeta Km, a 1 predmet je nezavršen.

U 10 Km. predmeta izrečena je odgojna mjera, a u 1 Km. predmetu obustavljen je postupak.

Trajanje postupka – od 11 završenih predmeta u svih 11 Km predmeta ili 100,00% postupak je trajao do 3 mjeseca.

a) Građanska oblast

Pregled primljenih parničnih predmeta:

Red. br.	Vrsta parničnog spora	Broj predmeta
1.	Sporovi iz bračnih i porodičnih odnosa	125
a	Razvod braka	105
b	Izdržavanje	
	- djece	4
	- bračnog druga	0
c	Osporavanje očinstva / materinstva	1
d	Utvrđivanje očinstva/materinstva	2
e	Podjela bračne stečevine	7
f	Određivanje staranja o djetetu	1
g	Izmjena odluke o povjeravanju djeteta	5
2.	Sporovi iz nasljeđivanja	2
3.	Sporovi iz stvarnog prava	25
a	Smetanje posjeda i prava	4
b	Svojina i posjed nepokretnosti	2
c	Uznemiravanje prava vlasništva	1
d	Utvrđenje služnosti	4
e	Utvrđivanje i uknjižba	14
4.	Sporovi po osnovu ugovora i pravnih poslova	6
a	ostali (zajam, raskid ugovora)	6
5.	Sporovi o naknadi štete	44
6.	Sporovi iz radnih odnosa	22
7.	Ostali sporovi	431
a	Dug	150
b	Komunalne i slične usluge	266
c	Prijedlog za određivanje mjere osiguranja	3
d	Ostali	12

Na parničnom referatu (P, RS i Mal. predmeti) primljeno je 655 predmeta (221 P, 29 RS. 404 Mal i 1 .P-Mpom) i u toku izvještajnog perioda u radu je bilo ukupno 882 predmeta.

U 2018. godini riješeno je ukupno 686 parničnih predmeta (245 P. 26 RS. 413 Mal. i 2 P-Mpom predmeta), od čega presudom zbog propuštanja 289 predmeta ili 42,13%. Od 245 P predmeta presudom zbog propuštanja završeno je 14 predmeta ili 5,71%, od 413 Mal. predmeta 260 predmeta ili 62,95% te kod rješavanja RS od 26 predmeta 7 predmeta ili 26,92% je završeno presudom zbog propuštanja. Presudom na osnovu priznanja riješeno je 12 predmeta ili 1,75 % (od čega 4 Mal predmeta ili 33,33%,

3 P predmeta ili 25,00% i 5 RS predmeta ili 41,67%), presudom na osnovu sprovedene rasprave 170 ili 24,78% predmeta, sudskom nagodbom 21 ili 3,06% predmeta, a 172 predmeta ili 25,07% predmeta riješeno je na drugi način (odbacivanjem tužbe, povlačenjem tužbe, obustavom, prekidom i dr).

Na kraju izvještajnog perioda ostalo je neriješeno 196 parničnih predmeta (93 P. 13 RS. i 90 Mal.) od čega 179 predmeta iz 2018. godine i 17 iz ranijih godina.

Trajanje postupka: u 686 (P. 245, 26 RS. Mal. 413 i P-Mpom 2) završenih parničnih predmeta postupak je u 636 predmeta trajao do 1 godine ili 92,71% a u 50 predmeta postupak je trajao preko 1 godine ili 7,29%.

b) Vanparnični referat

Pregled primljenih vanparničnih predmeta:

Vrsta vanparničnog postupka	Broj predmeta
Ostavinski postupak	651
Sastavljanje testamenta	2
Deponovanje testamenta	8
Opozivanje testamenta	4
Oduzimanje ili vraćanje poslovne sposobnosti	13
Proglašenje nestalih osoba umrlim i dokazivanje smrti	6
Dozvola za zaključenje braka	2
Oduzimanje i vraćanje roditeljskog prava	2
Dioba stvari i nekretnina u zajedničkom vlasništvu	12
Uređenje međa	14
Protest mjenice	41
Pravna pomoć	8
Sudski depozit	1
Ostalo	6

Na vanparničnom referatu (O. i V. predmeti) primljeno je 770 predmeta (O. 656 i V. 106 i V-Mpom 8 predmeta) i u toku izvještajnog perioda u radu je bilo ukupno 1145 predmeta.

U toku izvještajnog perioda riješeno je 833 predmeta od toga 720 O., 105 V. i 8 V-Mpom.

Od 105 riješenih V. predmeta donošenjem odluke u meritumu riješeno je 26 predmeta, povlačenjem prijedloga 7 predmeta, prekid postupka određen je u 5 predmeta, obustavljen postupak je u 2 predmeta, 2 predmeta su završena donošenjem procesne odluke, na drugi način riješeno 63 predmeta.

Od ukupno riješenih 8 V-Mpom predmeta svi su riješeni na drugi način (postupanje po zamolnici).

Od ukupno riješenih 720 O. predmeta od strane notara riješeno 627 predmeta, na osnovu raspravljanja zaostavštine riješeno 48 predmeta, rješenje o nasljeđivanju doneseno u 24 predmeta, mjesna nenadležnost u 1 predmetu, prekid postupka u 6 predmeta, prijedlog odbačen u 2 predmeta, prijedlog povučen u 1 predmetu, završeno na drugi način u 11 predmeta.

Trajanje postupka: na vanparničnom referatu od 833 predmeta (O 720, V. 105 i V-Mpom 8) u 777 predmeta postupak je trajao do 1 godine ili 93,28 % dok je u 56 predmeta ili 6,72 % postupak trajao preko 1 godine.

c) Izvršni referat

Na izvršnom referatu u toku 2018. godine primljeno je 1066 I. predmeta, 1 I-Mpom i 133 Ip. predmeta od toga je 436 komunalnih predmeta.

U toku 2018 godine riješeno je 1464 izvršna predmeta (I. 1259, I-Mpom 1 i Ip. 204 predmeta), od čega je 464 komunalnih a 1000 predmeta su ostali (po prijedlogu banaka, Mikrokreditnih organizacija, izvršenja na osnovu pravosnažnih sudskih odluka i dr.)

Na kraju izvještajnog perioda ostalo je neriješeno 768 I. predmeta od čega iz 2018. godine 619 predmeta, iz 2017. godine 90 predmeta, iz 2016. godine 25 predmeta, iz 2015. godine 15 predmeta, iz 2014. godine 4 predmeta, iz 2013. godine 9 predmeta, iz 2012. godine 2 i iz 2011. godine 4 predmeta.

Ostalo je neriješenih 69 Ip. predmeta, od čega iz 2018. godine 50 predmeta, 9 predmeta iz 2017. godine, 4 predmeta iz 2016. godine, 1 predmet iz 2015. godine, 2 predmeta iz 2014. godine, 2 predmeta iz 2013. godine i 1 predmet iz 2012. godine.

Od ukupno 837 neriješenih izvršnih predmeta 337 predmeta su komunalni a 500 su ostali.

Pregled rada u izvještajnom periodu po Pr. predmetima

U izvještajnom periodu primljeno je 572 Pr. predmeta, Prm. 39, Pr- Mpom 15 predmeta, Pr-Pls 7 predmeta, Pr-lpsz 1 i Ips. 234 predmeta pa je ukupno bilo u radu Pr, Prm, Prz, Pr-Pls i Ips. 868 predmeta iz 2018.godine i 1388 predmeta iz prethodnih godina (Pr. 354 predmeta, Prm. 32 predmeta, Pr-Pls 7 predmeta, Ips. 995 predmeta) tako da je u radu ukupno bilo 2256 predmeta.

U izvještajnom periodu na prekršajnom referatu ukupno je riješeno 1282 predmeta od toga: Pr. predmeta 797, Prm 70 predmeta, Pr-Pls 13 predmeta, Pr-lps 387 predmeta, Pr-lpsz 1 predmet i Pr-Mpom 14 predmeta.

Na kraju izvještajnog perioda ostalo je ukupno 974 neriješena prekršajna predmeta od kojih je: Pr. 129 predmeta i svi su iz 2018. godine, ukupno neriješenih Ips. predmeta je 842 od kojih je 204 predmeta iz 2018. godine, 224 iz 2017. godine, 215 iz 2016. godine i 199 predmeta iz 2015. godine, zatim 1 Prm predmet iz 2018. godine, Pr-Pls 1 predmet iz 2018. godine i Pr-Mpom 1 iz 2018. godine.

Zemljišno-knjižni ured

U 2018. godini riješeno je 9845 predmeta zajedno sa predmetima usaglašavanja katastra i zemljišne knjige, od toga 2687 redovnih Dn. predmeta na osnovu zahtjeva za upis i 7158 predmeta na osnovu zahtjeva za usaglašavanje katastra i zemljišne knjige. Primljeno 2625 redovnih Dn. predmeta, a zahtjeva za usaglašavanje katastra i zemljišne knjige u 2018. godini primljeno je 9795 predmeta i to za KO Stjepan Polje, Lukavicu i Miričinu. Treba naglasiti da je u 2015. godini započeo projekat usaglašavanja podataka o nekretninama i pravima na nekretninama iz katastra i zemljišne knjige za KO Gračanica i KO Gornja Orahovica, tako da je u 2015. godini zaprimljeno 14338 predmeta, dok je u

novembru i decembru 2016. godine zaprimljeno 10256 zahtjeva za usaglašavanje katastra i zemljišne knjige za KO Lohinja-Pribava, KO Donja Orahovica i KO Lukavica Rijeka od kojih je u 2018 riješeno 7158 takvih predmeta.

U toku 2018. godine priliv redovnih zemljišnoknjižnih predmeta na osnovu zahtjeva za upis je veći u odnosu na 2017. godinu za 400 predmeta a takođe i broj riješenih predmeta je veći u odnosu na 2017. godinu i to za 326 predmeta, dok je na osnovu zahtjeva za usaglašavanje katastra i zemljišne knjige u 2018. godini zaprimljeno 9795 predmeta, za razliku od 2017. godine kada nije bilo prijema predmeta takve vrste predmeta.

RJEŠAVANJE ZAOSTALIH PREDMETA

Iz tabela br. 1 i br. 2 (gdje je dat prikaz svih vrsta predmeta) vidljivo je da je na dan 31.12.2017. godine ostalo neriješeno ukupno 9658 predmeta, zajedno sa predmetima usaglašavanje katastra i zemljišne knjige, dok je bez pomenutih predmeta u 2017. godini ostalo neriješeno 3285 predmeta zajedno sa 89 redovnih Dn predmeta. U toku 2018. godine primljeno je u rad novih 16753 predmeta od čega je 2625 redovnih Dn predmeta i 9795 predmeta po projektu usaglašavanja katastra i zemljišne knjige, tako da je u radu bilo ukupno 26411 predmeta. U istom periodu riješeno je 15006 predmeta od kojih je 7158 predmeta riješeno po projektu usaglašavanja katastra i zemljišne knjige, a od ukupno rješanih predmeta riješeno je 7392 predmeta koji su u rad primljeni u toku 2018. godine i 7614 predmeta koji su kao neriješeni preneseni iz prethodnih godina,

Na dan 31.12.2018. godine ostalo je neriješeno ukupno 11405 predmeta od čega 9361 ili (82,08 %) predmeta koji su primljeni u 2018. godini od čega 7859 Dn. predmeta i 2044 (17,92%) predmeta iz ranijih godina. Od 2044 predmeta koji su ostali neriješeni na kraju izvještajnog perioda, a potiču iz ranijih godina, 400 predmeta potiču iz 2017. godine od čega 7 Dn predmeta (3,51% od ukupnog broja neriješenih predmeta na kraju 2018. godine), 667 predmeta potiče iz 2016. godine od čega 394 Dn predmeta zajedno sa predmetima po projektu usaglašavanja podataka o nekretninama i pravima na nekretninama iz katastra i zemljišne knjige (5,84% od ukupnog broja neriješenih predmeta na kraju 2018. godine), 929 predmeta potiče iz 2015. godine (8,15%), 18 predmeta potiče iz 2014. godine (0,17%), 14 predmeta potiče iz 2013. godine (0,12%), 5 predmeta potiču iz 2012. godine (0,04%), 6 predmeta iz 2011. godine (0,05%), 3 predmeta iz 2010. godine (0,03%), 1 predmet iz 2009. godini (0,01) i 1 predmet iz 2006. godine (0,01%).

Preneseni predmeti iz ranijih godina nisu riješeni iz procesnih razloga jer u pojedinim krivičnim predmetima optuženi nisu dostupni, mijenjaju se adrese, u parničnim predmetima, osim složenosti predmeta prisutna je kod određenog broja predmeta i nemogućnost dostave tužbe na odgovor tuženoj strani, zbog promjenjenih ili netačnih adresa. Kod izvršnih predmeta razlog nerješavanja je to što je u izvršnim predmetima više izvršenika, tražitelj izvršenja dostavi netačne adrese, izjavljivanje prigovora izvršenika usporava postupak, česta potreba da se vrši popis, procjena i prodaja pokretnih stvari izvršenika zbog čega sudski izvršilac fizički nije u mogućnosti da izvrši popis u svim predmetima, u pojedinim predmetima od strane tražilaca izvršenja traži se i ponovni popis stvari, izvršni postupak usporava podnošenje zahtjeva tražilaca izvršenja za odlaganje izvršenja na određeni vremenski period (6 mjeseci ili godinu dana) iz razloga što je izvršenik počeo sa plaćanjem duga.

Radi bržeg rješavanja starijih predmeta sud svake godine u skladu sa Uputstvom Visokog sudskog i tužilačkog vijeća BiH-e donosi Plan rješavanja predmeta, čija se realizacija redovno prati. Prema Uputstvu Vijeća plan se sačinjava za predmete koji nisu hitne prirode, komunalne prirode i odnosi se na one koji nisu riješeni za godinu dana od prijema inicijalnog akta u sud (optužnica, tužba, prijedlog za izvršenje). S tim u vezi može se reći da je u prethodnoj godini riješen zadovoljavajući broj starih predmeta, čemu je doprinio smanjen priliv određene vrste predmeta, pogotovo na parničnom i izvršnom referatu.

KVALITET RADA

Kvalitet rada može se sagledati kroz broj donesenih odluka u kojima se može izjaviti pravni lijek, ožalbenih presuda odnosno broj potvrđenih i ukinutih odluka na glavnim referatima.

Broj donesenih odluka na koje se može izjaviti pravni lijek2327

1. Broj potvrđenih odluka	215
2. Preinačene odluke.....	39
3. Preinačene odluke donijete nakon održane glavne rasprave ili pretresa pred drugostepenim sudom.....	2
4. Djelimično ukinute odluke.....	4
5. Ukinutih odluka.....	37
U K U P N O:.....	297

Kvalitet rada sudskih odluka se obračunava u skladu sa članom 16. Kriterija za ocjenjivanje rada sudija.

Slijedi tekst za pojašnjenje formule za obračun kvaliteta sudskih odluka:

$(75\% * (\text{Ukupan broj ožalbenih odluka} - \text{Broj ukinutih odluka} - \text{Broj djelimično ukinutih odluka}/2) / \text{Ukupan broj ožalbenih odluka}) + (25\% * \text{Broj donesenih odluka na koje se može izjaviti pravni lijek} - \text{Broj preinačenih odluka donijetih nakon održane glavne rasprave ili pretresa pred drugostepenim sudom} - \text{Broj ukinutih odluka} - \text{Broj djelimično ukinutih odluka}/2) / \text{Broj donesenih odluka na koje se može izjaviti pravni lijek})$.

Kvalitet rada suda: $(75\% * (297 - 37 - 4/2) / 297) + (25\% * (2327 - 2 - 37 - 4/2) / 2327) = 65,1525 + 24,56 = 89,71 \%$.

IZVRŠENJE KRIVIČNIH SANKCIJA

U toku 2018. godine u radu je bilo 108 predmeta izvršenja krivičnih sankcija (upućivanje pravnosnažno osuđenih lica na izdržavanje kazne zatvora) od kojih je 25 preneseno iz prethodnih godina, a 83 je primljeno u 2018. godini.

Od 83 primljena predmeta izvršenja krivičnih sankcija (Iks.) u 79 predmeta osuđena lica su sa područja općine Gračanica, u 4 predmeta iz općine Doboj Istok.

Riješeno je u toku izvještajnog perioda 84 predmeta, neriješeno ostalo 24 predmeta.

KADROVSKA STRUKTURA SUDA I MATERIJALNI POLOŽAJ

Općinski sud u Gračanici vrši sudsku vlast za područja općina Gračanica i Doboj Istok i za vršenje poslova prema Pravilniku o unutrašnjoj organizaciji Općinskog suda u Gračanici obrazovane su organizacione jedinice kroz Odjeljenje sudija, Odjeljenje sudske uprave (a-odsjek sudske uprave i b-pisarnica), te odjeljenje za zemljišno-knjižne poslove.

Prema navedenom Pravilniku predviđeno je da sudsku funkciju u Općinskom sudu u Gračanici vrši 5 redovnih sudija, 2 dodatnih sudija uključujući i predsjednika suda te 2 stručna saradnika a ostale poslove iz nadležnosti suda 5 državnih službenika i 28 namještenika.

Poslove sudija u izvještajnom periodu obavljalo je 6 sudija (predsjednik suda, 4 redovnih sudija i 1 dodatni sudija). U sudu su takođe angažovana i 2 stručna saradnika.

U 2018. godini osim nepopunjenog mjesta dodatnog sudije, u toku je procedura za prijem stručnog saradnika-administratora koji je radi prelaska u drugu ustanovu prestao sa radom u ovom sudu sredinom 2018. godine.

Pravilnikom o unutrašnjoj organizaciji Općinskog suda u Gračanici predviđen je potreban broj namještenika i državnih službenika, međutim upražnjena radna mjesta namještenika nisu popunjena zbog poznate finansijske situacije. Trenutna struktura ostalih zaposlenih je: 4 državna službenika i 21 namještenik.

RAD SUDSKE UPRAVE

Poslovi sudske uprave obavljali su se u okviru dvije unutrašnje organizacione jedinice i to: Pisanici suda, Odsjeku sudske uprave i sudačkih asistenata, računovodstvenih i pomoćno - tehničkih poslova, dok su dio poslova obavljali i sudski izvršioc i – tehnički sekretar i referent za informaciono-komunikacijske poslove.

Poslovima sudske uprave osigurani su svi uslovi za pravilan i efikasan rad Suda, a naročito oni koji su se odnosili na :

- brigu o urednom i blagovremenom obavljanju svih poslova u Sudu,
- osiguravanju uslova za rad sudija i ostalih zaposlenika Suda,
- obavljanje poslova u vezi sa ostvarivanjem prava iz radnog odnosa svih zaposlenih,
- logističke poslove vezane za stručno usavršavanje sudija, stručnih saradnika i ostalih uposlenika Suda,
- poslove javnih nabavki i materijalno-tehničkih potreba suda,
- obavljanje bibliotekarskih poslova i popunjavanje bibliotekarskog fonda stručnom literaturom,
- poslove vezane za rukovanje sa oduzetim stvarima u krivičnim predmetima,
- vođenje sudske statistike i izrade svih izvještaja o radu Suda,
- ovjeru isprava iz nadležnosti Suda,
- pružanja međunarodne pravne pomoći,
- materijalno - finansijsko poslovanje Suda,
- postupanja po urgencijama stranaka u pojedinim sudskim spisima
- i druge poslove određene Zakonom i podzakonskim aktima.

U izvještajnom periodu dosljedno su implementirane odredbe Pravilnika o unutarnjem sudskom poslovanju donesenim od VSTV BiH, Pravilnika o sistemu za

automatsko upravljanje predmetima u sudovima (CMS), Pravilnika o orijentacionim mjerilima za rad sudija i stručnih saradnika i Uputstvo VSTV BiH za rad po starim neriješenim predmetima.

U okviru rada sudske uprave, izvršena je i redovna obaveza predsjednika suda u pogledu godišnjeg ocjenjivanja rada sudija, stručnih saradnika i svih ostalih uposlenika Suda. Predsjednik Suda je obavio ocjenjivanje rada 5 sudija, dvoje stručnih saradnika i pet državnih službenika Suda, dok je po prijedlogu šefa pisarnice i šefa zk ureda, predsjednik Suda u okviru svojih nadležnosti izvršio ocjenjivanje ostalih zaposlenika.

U izvještajnom periodu kontinuirano su se izrađivali i mjesečni izvještaji o radu svakog sudije pojedinačno i suda u cjelini, a program CMS omogućavao je svakom od sudija da u bilo kojem trenutku ima informaciju o svojim ostvarenim radnim rezultatima i stanje broja neriješenih predmeta.

Odjeljenje sudske uprave je i u toku 2018. godine osiguralo sudijama administrativno-tehničku podršku pri pohađanju obaveznih edukacija svakog sudije (i to u trajanju od najmanje tri dana) ostvarenih kroz seminare i simpozije koje je organizovao Centar za edukaciju sudija i tužilaca FBiH, a gdje su se iskustva stečena na stručnim usavršavanjima pozitivno odrazila na kvalitet rada svakog sudije pojedinačno ali i Suda u cjelini.

U okviru sudske uprave redovno su se održavali i radni sastanci sa šefovima unutrašnjih organizacijskih jedinica, a što je rezultiralo znatno boljom kvalitetom obavljanja svakodnevnih poslova i radnih zadataka, odgovornijim odnosom prema radu i radnoj disciplini te dosljednijem poštivanju etičkog kodeksa ponašanja.

Postojeća web stranica Suda uređivana je sukcesivno i ista je pružila dosta podataka o radu suda i sudskim uslugama počevši od rasporeda održavanja glavnih pretresa i rasprava pa do načina ostvarivanja slobode pristupa informacijama, kao i ostalih obavještenja i uputstava kako bi strankama bili olakšani različiti postupci pred sudom, te se iz navedenih razloga može reći da je web stranica ostvarila u potpunosti ulogu zbog koje je i formirana.

Na kraju treba istaći i činjenicu da je sudska uprava ostvarila i veoma dobru saradnju sa Odjelom sudske policije, koja je smještena u zgradi Suda, i da je sudska policija u proteklom periodu uspješno obavila sve zadatke koje je dobivala od strane predsjednika Suda i sudija sa krivičnog referata.

OCJENA I PRIJEDLOG MJERA

Osnovne karakteristike za ovaj izvještajni period, u najkraćem, bile bi:

Općenito priliv predmeta u 2018. godini je neznatno manji u odnosu na 2017.godinu. Priliv predmeta u 2018.g. je manji u odnosu na priliv u 2017. godini na, krivičnom i prekršajnom referatu, dok je veći na parničnom, na vanparničnom i izvršnom referatu.

U pogledu zemljišno knjižnih predmeta priliv predmeta na osnovu zahtjeva za upis u 2018. godini je veći u odnosu na 2017. godinu, broj riješenih predmeta u 2018. na osnovu zahtjeva za upis je veći u odnosu na 2017. godinu, kad su u pitanju zahtjevi za uspostavljanje zk uložaka u 2018. godini zaprimljeno u mjesecu septembru i oktobru 9795 za KO Miričinu, Stjepan Polje i Lukavica, dok u 2017. godini nije zaprimljen nijedan

takav predmet, a što se tiče neriješenih predmeta na osnovu zahtjeva za upis na kraju 2018.godine ostao je manji broj neriješenih predmeta (27) nego u 2017. godini (89), kad su u pitanju zahtjevi za uspostavljanje zk uložaka na kraju 2018. godine ostao je veći broj neriješenih predmeta (7158) u odnosu na 2017. godinu (6284) predmeta, a to iz razloga što Zemljišno- knjižni ured krajem 2018. godine zaprimao 9795 takvih predmeta.

U izvještajnom periodu znatno je smanjen broj neriješenih predmeta u odnosu na 2017.godinu, starost neriješenih predmeta u najvećem dijelu je za period 2017 i 2018. godina, znatno je manji broj predmeta za period 2010. do 2016. godina, dok je po 1 predmet iz 2009. i 2006. godine.

S obzirom na ostvarenu kolektivnu normu suda od 105,16 % može se konstatovati da je postignut odgovarajući rezultat u postupanju sa predmetima što je umnogome doprinio i veći broj riješenih predmeta u odnosu na sam priliv predmeta, kao i činjenica da nijedan od sudija ili stručnih saradnika tokom godine nije bio odsutan duži period.

Rad zemljišno-knjižnog ureda je sasvim zadovoljavajući, s obzirom na Projekat usaglašavanja i broj predmeta koji je primljen u 2015. godini, 2016. godini i 2018. godini.

Radni rezultati skoro svih sudija su zadovoljavajući, s obzirom da je dvoje sudija imalo prebačaj norme a sve ostale sudije su bile malo ispod 100% godišnje norme, jedan stručni saradnik je imao normu od 92,88%, a drugi 94,86% koja norma je umnogome uticala i na kolektivnu godišnju normu suda, dok rad svih ostalih uposlenika cijeni se kao uspješan odnosno naročito uspješan, posebno kada se ima u vidu nepopunjenost sistematizacije u pogledu stručnog saradnika-administratora, odsustva po osnovu bolovanja ili prestanka rada.

Cjelokupan rad suda za 2018-tu godinu se može ocijeniti kao uspješan, o čemu govore podaci o broju ukupno riješenih predmeta i umanjnja neriješenih predmeta za 828 što je više u odnosu na 2017. godinu (627), sa godišnjom normom od 105,16 %, i kvalitetom rada suda od 89,71 %, takođe i smanjenim brojem starih predmeta.

Efikasnost posmatrana kroz dužinu trajanja postupka je različita u odnosu na vrstu predmeta, zavisno od broja predmeta na određenom referatu te priliva predmeta.

Rokovi propisani u Zakonu o krivičnom postupku za odlučivanje o potvrđivanju i dostavljanju optužnice, zakazivanje ročišta radi izjašnjavanja o krivnji, razmatranje izjava o priznanju krivnje, kao i u pogledu pritvorskih predmeta tako i u pogledu zakazivanja glavnih preteresa, su u najvećem dijelu predmeta ispoštovani.

Rokovi propisani Zakonom o parničnom postupku su ispoštovani u pogledu dostave tužbe na odgovor, kao i u zakazivanju pripremnih ročišta i glavnih rasprava što je umnogome doprinio i smanjeni priliv predmeta, kao i činjenica da nijedan od sudija ili stručnih saradnika tokom godine nije bio odsutan duži period.

Rokovi propisani za izradu odluka uglavnom su ispoštovani na svim referatima.

U izvještajnom periodu ostvarena je saradnja na zavidnom nivou sa Centrom za pružanje besplatne pravne pomoći što se odrazilo na aspekt budžetskih sredstava zbog angažovanja uposlenika Zavoda u predmetima.

Ocjena o potrebnom broju sudija, stručnih saradnika i namještenika

Ako se ostvareni priliv predmeta u 2018. godini i to predmeti K, Km, Kpp, Kps, Kv, lks, P, Mal, Rs, V, O, I. i Ip, Pom, Mpom, iskazan u tabeli br. 1, sagleda u odnosu na godišnju normu, proizilazi da bi se zadržala postojeća ažurnost suda potrebno je povećati broj namještenika ili državnog službenika, odnosno promijeniti sistematizaciju na način da se uvrsti obavljanje poslova i radnih zadataka izvršenja krivičnih i prekršajnih sankcija, jer se tokom dosadašnjeg rada uočava nedostatak takvog radnog mjesta.

Na rezultate rada u 2019. godini uticat će najavljeno odsustvo jednog stručnog saradnika zbog odustva sa posla radi porođaja, zbog čega će biti neophodno preduzimanje određenih aktivnosti u cilju većeg rješavanja predmeta postojećih sudija i stručnog saradnika.

PREDSJEDNIK SUDA
Meliha Hadžihasanović